

Approvà in'ulteriura etappa per nov material rullant da la Viafier retica

(cc) La regenza ha approvà la terza etappa repassada d'in concept per renovar la flotta da la Viafier retica (VR) cun nov material rullant. En il rom da questa etappa vegnan acquistads – per remplazzar ils vaguns da persunas che curseschan oz sin la lingia da l'Alvra – sis cumposiziuns da l'Alvra ch'existan da mintgamai sis vaguns e d'in vagun-locomotiva da la 1. classa. Ultra da quai vegnan cumprads 13 vaguns-locomotiva universals per las ulteriuras lingias da

tschep da la VR. Ils custs d'investiziun importan 167,2 milliuns francs. Ils custs d'investiziun cun dretg d'indemnisaziun chaschunan tar la confederaziun e tar il chantun custs supplementars annuals da circa set milliuns francs. Per il chantun Grischun resulta ina cumpart da 20 pertschient u da circa 1,4 milliuns francs per onn. A partir da l'onn 2020 vegnan quests custs dentant cumpensads cumplainamain tras respargns e tras gudogns d'effizienz.



Ils custs d'investiziun per ils 13 vaguns-locomotiva universals importan 167,2 milliuns francs.